

fatione mihi sumpseram: at quum res altioris indaginis sit ac potissimum ea quaestionis pars, quae in sermonis atque verborum proprietate scrutanda versatur, longinquo-rem requirat operam, libelli jam dudum typis expressi editionem haud diutius morari atque illa peculiari com-mentationi tractanda reservare constitui, hoc loco nulla potius, quam manca daturus.

De Çringâratilaka, quod eidem poetae vulgo tri-
bui solet (Wils. praef. ad Megh. p. VI.), res facile di-
judicari potest. Castum enim atque rerum plenum di-
cendi genus, quo Kâlidâsas usus est, nil commune
habet cum redundanti illa et effusa orationis luxuria,
quod certissimum aevi recentioris indicium est, quam-
que per totum carmen observare licet. Huc pertinent
प्रचण्डातप 9, दामनिकर 10, चतुरङ्गबल 4, समयवेला 6, बाला नवयौ-
वना 11, सुरतव्यापारकेलिश्रम 14, स्तब्धो विवेकरहितः 21, alia.
Apud Kâlidâsam contra nusquam aut rarissime vocabu-
lum invenitur, quod non consulto et cogitate positum sit.

De hujus editionis ratione haec accipe. Ad Me-
ghadûtae verba quam maxime fieri potuit castiganda
praeter V. Cl. Wilsonis editionem omnibus notam (W)
usus sum duobus bibliothecae Regiae Parisinae codicibus,
altero (D) devanagaricis, (Dev. 44 cf. Catal. Ha-
milt. p. 28), altero (B) Bengalicis (Beng. 172 ibid.
p. 94) literis, utroque satis negligenter scripto. Tertius
enim qui in Catalogo Hamiltoniano pag. 80 recensetur
codex, falso huc relatus est, neque unquam plures quam
duos istos bibliotheca possedit. Codicis Havniensis (H),
qui itidem scriptura Bengalica ac parum accurate exara-